

wider abe/ so fallen sie als bald gar gewiß auß. Schmiehre darnach den ort mit Rosenöl/ oder braun Violenöl/ auff daß die Salbe von wegen ihrer scharffe nicht schaden möge.

Ein Wasser zum außfallen der Haar?

Nim junge Schwalben/ brenne sie zu Pulver/ mische Bibersgeil darunter/ vnd ein wenig Essig/ vnd distillier es.

Ein gute Salbe die Haar damit aufzuecken?

Nim Fledermeußhirn/ Frauenmilch/ mische es durch einander/ Oder nim Kinderringall/ Ephew/ Gummi, mische es wol durch einander/ vnd salbe dich damit.

Das Haar im Angesicht außzufallen machen?

Nim Safft von wilden Kürbisen (Cucumeres asinini genant) bitter Mandelmilch/ ana, 1. halb Pfund/ ongeleschten Kalck/ Auri-pigmentum ana 2. Loth/ koch es mit einander oberm Fehr/ mische darunter Galbanum, zuvor tag vnd nacht in Wein geweicht/ 1. Lot Violenöl/ vnd Rosenöl 4. Lot/ vnd koch es wider oberm fehr/ du magst auch wol Neglein/ vnd Muscatennuß drein thun/ daß es wolriechend werde. Mit dieser Salben magst du dich salben/ in einer Badstuben/ wenn das Haar darnach auß dem Angesicht gefallen/ so wasche es mit warmen Kleynwasser abe.

Ein Pflaster alle Haar auß zu eken?

Nim Terpentin 4. Lot/ weiß Wachs/ Belkoin/ Styrax calamita ana ein wenig/ thue erstlich das Wachs ins Fehr/ darnach den Belkoin/ vnd Styrax, zu lest den Terpentin/ vnd mische ein wenig Bleyweiß vnd ein wenig Mastix darunter/ alles gestossen/ vnd mache eine Salbe darauß/ nicht zu dicke noch zu dünne. Nim darnach leinen Tücher so groß als von nöten/ streich darauß die Salbe mit einem Löffel/ vnd wenn es kalt worden/ behalt die Pflaster also offen/ eines auß dem andern liegende/ denn wenn du sie zusammen függest/ springen sie auß vnd brechen/ darumb sol das Pflaster also zugerichtet sein/ daß es wenns kalt wird/ hart sey.

Vnd